

**«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԳԻՏԱԿԱՆ ԽՈՐՀՐԴԻ**

ՈՐՈՇՈՒՄ

1 Հունիսի 2022, N 13 - 2

**ԻՆՖՈՐՄԱՏԻԿԱՅԻ ԵՎ ՎԻՃԱԿԱԳՐՈՒԹՅԱՆ ՖԱԿՈՒԼՏԵՏԻ ԴԵԿԱՆԻ
ՀԱՇՎԵՏՎՈՒԹՅԱՆ ՄԱՍԻՆ**

Լսելով և քննարկելով Հայաստանի պետական տնտեսագիտական համալսարանի ինֆորմատիկայի և վիճակագրության ֆակուլտետի դեկանի՝ 2021-2022 ուսումնական տարվա առաջին կիսամյակում ֆակուլտետում իրականացված ուսումնական և գիտահետազոտական աշխատանքների և Հայաստանի պետական տնտեսագիտական համալսարանի 2018-2022 թթ. զարգացման ռազմավարությամբ նախատեսված գործողությունների կատարման մասին հաշվետվությունը (զեկուցող՝ ինֆորմատիկայի և վիճակագրության ֆակուլտետի դեկան, տնտեսագիտության թեկնածու, դոցենտ Ս.Վ.Խաչիկյան)՝ «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհուրդը **որոշում է.**

1. Ինֆորմատիկայի և վիճակագրության ֆակուլտետի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:
2. **Ֆակուլտետի դեկանատին՝**
 - 1) համալսարանի գիտական խորհրդի և ռեկտորատի որոշումները քննարկել ֆակուլտետի խորհրդի նիստերում, արձանագրել խնդիրները և դրանց լուծման ուղղությամբ մշակել միջնաժամկետ միջոցառումներ (հաստատված ժամանակացույցերով և կատարողներով),
 - 2) համալսարանի ռազմավարական նպատակների իրականացման շրջանակներում նպաստել ֆակուլտետի ամբիոնների ակադեմիական կազմի երիտասարդացմանը և անհրաժեշտ մասնագիտական որակներով կադրերի ներգրավմանը,

- 3) ֆակուլտետի խորհրդի նիստերում պարբերաբար անդրադառնալ դասալսումների, դրանց նկատմամբ հսկողության և արդյունքների քննարկման գործընթացներին,
- 4) աշխատել ամբիոնների հետ՝ մագիստրոսական կրթական ծրագրերի շրջանակներում դասավանդման և մեթոդական այլ նյութերի որակի բարձրացման նպատակով,
- 5) ուսանողների հաճախումների և ակտիվության գրանցման նկատմամբ հսկողությունն ու մշտադիտարկումները դարձնել ավելի պարբերական՝ արձանագրելով նկատվող խնդիրները,
- 6) աշխատել ամբիոնների հետ՝ կուրսղեկների աշխատանքի արդյունավետության բարձրացման և ՈՒԳԸ աշխատանքներում դասավանդողների ներգրավվածության բարձրացման ուղղությամբ,
- 7) նպաստել ուսումնամեթոդական նյութերի, հետազոտական աշխատանքների և կրթական ծրագրերի արդիականացման աշխատանքներին և մշակել դրանց հանրայնացմանն օժանդակող միջոցառումներ,
- 8) նպաստել ուսանողների ու դասավանդողների մասնակցությամբ ծրագրային հայտերի մշակման աշխատանքներին, ինչպես նաև միջազգային շարժունության ծրագրերին մասնակցության խրախուսմանն ուղղված աշխատանքներին,
- 9) ուշադրություն դարձնել էթիկայի կանոնների և աշխատանքային կարգապահության հետ կապված հարցերի համակողմանի քննարկմանը,
- 10) բարելավել դեկանատի աշխատանքները ուսանողներին մատուցվող ծառայությունների շրջանակում,
- 11) յուրաքանչյուր հանձնարարականի կատարման հետ կապված ժամանակացույցը քննարկել ուսումնական աշխատանքների գծով պրոռեկտորի հետ:

3. Ֆակուլտետի կազմի մեջ մտնող ամբիոնի վարիչներին՝

- 1) պահպանել մշտական կապ կրթական ծրագրերի արդիականացման համատեքստում՝ բուհ-աշխատաշուկա-գործատու փոխգործակցության շրջանակում,
- 2) իրականացնել դասընթացների առարկայական ծրագրերի արդիականացում՝ ուշադրություն դարձնելով միջառարկայական նորամուծություններին,

- 3) նպաստել արդիականացված կրթական ծրագրերին համապատասխան ուսումնամեթոդական նյութերի (դասագրքեր, խնդրագրքեր, տեսադիտարկման հարթակներ և այլն) մշակմանը,
- 4) խրախուսել կիրառական բնույթի գիտահետազոտական աշխատանքների և ուսումնամեթոդական նյութերի մշակումները,
- 5) համապատասխանեցնել փորձառությունների ծրագրերը աշխատաշուկայի պահանջներին ու բուհի ռազմավարական նպատակներին,
- 6) խթանել ուսանողների ու դասավանդողների միջազգային շարժունության ուղղությամբ իրականացվող աշխատանքները կիրառական հետազոտությունների համատեքստում,
- 7) ակտիվացնել միջազգային հետազոտությունների ու փոխանակման ծրագրերի լավագույն փորձի տեղայնացման աշխատանքները,
- 8) նպաստել ուսանողների ու համապատասխան ամբիոնների միջև կապի ամրապնդմանը կուրսղեկների, ուսանողական գիտական ընկերության անդամների և ուսանողական խորհրդի ներկայացուցիչների միջոցով,
- 9) ուսումնական գործընթացների հետ կապված բոլոր աշխատանքներն ամփոփել Moodle էլեկտրոնային հարթակում մինչև 2022 թվականի օգոստոսի 30-ը,
- 10) հաճախ իրականացնել առաջադիմության մշտադիտարկում և արդյունքները քննարկել ֆակուլտետի խորհրդի նիստերում,
- 11) սույն որոշումը քննարկել ամբիոնների առաջիկա նիստերում ու ձեռնարկել համապատասխան միջոցներ նշված հանձնարարականների կատարման համար:

4. Սույն որոշման կատարման նկատմամբ վերահսկողությունը վերապահել ուսումնական աշխատանքների գծով պրոռեկտոր Ա.Վ.Գրիգորյանին:

Գիտական խորհրդի նախագահ՝

2022 թ. հուլիսի 1
Երևան



Դիանա Գալոյան